

經

鉏

堂

雜

誌

文堂雜誌卷六

宋嘗川倪思正父

賭博

賭博若一向得采不過三二十擲而所贏不貲矣若一向失采不過三二十擲而所輸亦不貲矣唯其迭輸迭贏故可以遷延為戲善惡亦然若小人一向為惡其為非類久矣若君子一向為善其為聖賢亦久矣唯其善惡相雜小人雖終日為不善亦有起善念時君子雖終日為善亦不免有起惡念時為國亦然

若一向用小人行乖政滅亡可指日待也唯就其間  
時能用一賢人時能行一善政故未至於遽亡若一  
向用君子行仁政堯舜之治可立致也唯其間不免  
或信小人或間以謬政所以不能立致太平也

貪吏子孫必敗

世之貪吏或不至嬰憲網者蓋其人實有才具可以  
駕御官吏可以藏匿蹤跡又善承迎上官結託權貴  
應副過客故不至敗露子孫無才具而徒學其貪  
此所以必敗也

天不虛生賢者

天生賢者必為世用當明時為臯稷遇否時為孔顏  
雖窮達不同為世用則一若以久遠計之孔顏立教  
為萬世利又更過於臯稷天之生賢也夫豈苟然哉  
報應

報應之說非獨釋氏言之儒家之說未嘗不然作善  
降之百祥作不善降之百殃積善之家必有利慶積  
不善之家必有害殃出乎爾者反乎爾者也殺人之  
父人亦殺其父殺人之兄人亦殺其兄皆報應昭然

之說此乃常理雖有遠近遲速未有少差者若夫駭  
壽顏夭乃其變耳不信其常而信其變此所謂無忌  
憚所謂行險以僥倖也

### 月暈

月暈而風古語也兩日前月暈意必風大作而連日  
作雨豈月暈不風則雨非專為風古語未可盡信也

### 軍民

古之論存亡者在得民心與失民心後世兵民既分  
民心固不可失軍心尤不可失失民心者害尚遠失

軍心者猶尤近蓋民有妄作軍可以制之若軍心一失誰與制之也

七十

古者七十而致事謝國事也七十曰老而傳傳家事也國事既謝家事既傳則無事可也唯脩身治性一事老當愈篤既無家事國事以分其心則當一意於脩身治性古之好學者死而後已未嘗以老而怠老而縱也

反害

凡樂事多端飲酒過多來日病酒無聊矣色欲過度  
來日精神蕭索矣飲食過度須臾脾胃受傷矣唯讀  
書有利而無害唯溪山有利而無害唯翫風月花竹  
有利而無害唯端坐靜思有利而無害是謂至樂

### 三省吾身

曾子曰吾日三省吾身君子之自省何計於三而已  
自為人謀而下三者特其大者焉耳凡一事之微未  
嘗不自省也

### 信及豚魚

見久於金山者說每齋時鼓聲鳴魚鼈皆駢頭水面  
待食蓋寺僧每齋輒以食投之魚鼈以久而信之故  
及其時聞鼓聲無不來趨食也魚鱗豚獸於畜產中  
性最昏者猶可以信及此中孚之信所以為至也

### 近遠小大

小人計利害君子則又甚焉第小人計近不計遠計  
小不計大耳君子欲為子孫百年之計小人止計自  
下君子計天下生靈小人止計一身君子計死後小  
人計生前而小人所謂目下一身生前亦不可保此



之謂愚也

乞丐救火

都城有開尺帛鋪馬將仕家日以一千施貧纔來即與謂之順錢三年前都城大火乞丐之魁率百人為之般挈凡麗重細碎無所失亡火息又為運木石磚瓦丐中各有手藝又各竭為為之興造此火獨馬氏不至狼狽馬自後每日更增一千至今不輟若馬氏者可以為富者之法而丐者之能報蓋小人中有義者皆可書也

本朝字書

本朝字書推東坡魯直米元章然東坡多卧筆魯直多縱筆米元章多曳筆若行草尚可使作小楷如黃庭經樂毅論洛神賦則不能矣其他如蘓子美周越近世如吳說輩皆不免於俗獨蔡君謨行書既好小楷如茶譜集古錄序頗有二王楷法若大字楷法則亦不免俗而氣骨不蕭洒若有美堂記畫錦堂記及荔枝譜諺所謂厚皮饅頭是也大抵楷法貴於端重又要飄逸難乎兩全不可以瞞人故善書者尤以為

難

夏小正

大戴夏小正文體全與公穀相類豈公穀效之耶古  
人為文無有無源流者

曾子制言

弟子無曰不我知也鄙夫鄙婦相會於牆陰可謂密  
矣明日則或揚其言此不欺聞室之言也

榮辱

富以苟不如貧以廉生以辱不如死以榮辱可避

而已矣及其不可避也君子視死若歸

壁間詩

丹徒丁角鎮壁間有無名子詩云積錢養子望身安  
子大錢多轉不開又錢塘店中有貼詩云富饒須念  
貧窮日安樂當思病苦時不知誰作皆有理也

魚鳥

六畜畜於人蓋為食故其遭屠割有不可得而逃者  
唯魚之遊水鳥之棲林初無藉於人宜其可以逍遙  
自適而魚以餌之故鳥以媒之故貪其微味誘於朋

類捨江湖林木之樂坐為人制鱠之烹之受無窮之  
苦哀哉

出世

佛法為出世間法試舉一端人之所以為人所制以  
利害榮辱得喪也於是患得患失唯恐少拂逆人意  
若吾無所慕羨無所畏忌彼如吾何豈非出世間乎  
士大夫墮於世網難於跳出彼為俘屠者乃反欲打  
問節買院住而自投於寒羅之中可謂無見識也

習上

俗語教人必曰習上自兒童以至於成人自初學以至於賢人君子皆當以習上為念蓋所謂上者等級甚多不至於聖人不止其未至也豈可廢習乎

### 望山

望山者以山為佳及入山中未必佳也望花者以花為美及在花中不覺美也美富貴者以富貴為樂及享富貴未必樂也

### 三事

靜坐第一觀書第二看山水花木第三與良朋講論

第四教子第五

甘露之禍

甘露之禍王涯賈諫舒元興等皆遭屠戮樂天是時  
優游洛中故吟燕喜作酺龍為醢詩或謂樂天快之  
樂天豈快人者哉惜其無知不早退而踐禍機也

報狀

昔人云一日觀朝報三年指點西華今以為誇士夫  
夫窮居退處黜陟不知固善觀報者至便損道心  
余謂觀其升沉進退以究物理自可以長道心耳

甘旨

市非無果家園之果常甘公非無醢私室之醢多旨  
家非無飲饌子弟所供尤覺有味也

守風

江行遇逆風雖十日五日必當寧耐守待苟不寧耐  
守待強舟人以直前未有不覆舟者唯航海雖逆風  
亦行蓋其業已入海泊岸不可是以唯風之聽乃出  
於不得已耳海中無所蔽障帆以竹蓬可四面用之  
亦恃此以不恐然使遇巨風其危尤甚苟未至於不



得已又無四面使風之具何苦冒險而進也

### 時新

貴富者多誇時新之食其價數倍其先他人得食亦不過一月半月之間然而氣味不全皆人力催趲而生者貧者待其感出而食之不過遲一月半月其價損廉氣味反全方初食時亦與嘗新無異耳

### 不減價以求售

臨安有世賣剪子者曰青州劉家他剪子鋪隨時逐利每柄不過一二百錢可得唯青州劉執價必五百

不減然其打製精利用之可過常剪數柄彼其價高  
非妄增也蓋其鐵既精好工價數倍若稍減價則不  
復能如此人用其剪者信之買以五百未嘗少吝執  
價守業可嘉一也久而使人信之可嘉二也好物價  
高賤者不堪久用其理可驗三也事有可以類推者  
故誌之

### 危行

孔子曰邦有道危言危行邦無道危行言遜言則因  
時有危遜之異行則不問時之如何皆當危也

聲色之樂不與焉

心地之樂一也詩書之樂二也師友之樂三也閨門  
和睦之樂四也風雨晦明園圃之樂五也子弟脩學  
之樂六也而聲色之樂不與焉聲色之樂自惑者觀  
之則為樂不知其乃苦根耳得之既未易就使得之  
反有悔焉人方沉迷其中以為樂識者觀之真可憐  
憫何足羨也

清風明月

李太白詩清風明月不用一錢買東坡赤壁賦云天

下之物物各有主苟非吾之所有雖一毫而莫取唯  
江上之清風與山間之明月耳得之而成聲目遇之  
而成色取之無禁用之不竭是造物者之無盡藏也  
東坡之意蓋自太白詩句中來夫不用一錢買取之  
無禁太白東坡之言信矣然而能知清風明月之可  
樂者世無幾人清風明月之間亦無幾日就使人知  
此樂就使良景頻遇或為俗務牽奪或為病苦妨障  
雖欲享之有不能者然則居閒無事遇此清風明月  
誠未易得既不用一錢買又取之無禁而不知以為

樂是自生障礙耳

偏黨

偏黨反側皆非中道君子則失之偏小人則溺於黨  
偏者用意過當耳黨則全是私意也至於側則偏之  
甚反則黨之甚側猶可言反則顛倒是非使賢否易  
位以亂為治不可為矣既曰無偏無黨矣又曰無黨  
無偏何也君子先無偏小人乃無黨小人之無黨由  
君子之無偏故凡小人之為害君子必當自反蓋君  
子既有不是有以致之也

惟人不求我匪我求人

古之為學者雖有濟時及物之心而未嘗有求用於  
人之心蓋其平昔所享用者甚儉出而仕也非為利  
祿計也人求之則應人不求之則已後世學者專為  
利祿得利則躍躍以喜不得利則戚戚以悲如此等  
人為人所窺為人所厭薄既已為人所窺所厭薄矣  
不知自反徂且寡廉鮮耻乞憐於人而不已若是人  
者用之何所益雖廢之何足卹哉

對影成三人

杜門却掃或疑其索居無侶讀李太白詩云舉盃屬  
明月對影成三人則是未嘗乏嘉賓友也况黃卷中  
自有聖賢日與之對豈必待來之今而哉

及其老也戒之在得

少血氣味定故戒之以色壯血氣方剛故戒之以聞  
此理之無疑者至於老血氣衰矣名利之心至此宜  
以乃戒以得何哉蓋壯方其血氣有餘之時或能抗  
志高遠至於血氣既衰無復高遠之志往往貪欲茲  
甚此孔子所以深戒也夫飲食日以減少聲色不可

親近老態具見來自無多貪何為哉豈其為子孫之計甚於其身是以投老而愈貪歟忘己以徇子孫逐利而不知反謂之智可不可耶

### 三非

誰謂庾郎貧乃有二十七種鮭菜此雖戲語實食貧之法以韭一味而為三品凡蔬筍之類每色為三味既不傷廉便為多品與食前方丈何異也

### 中秋

中秋月色多為風雨所妨幸而有之或以疾病或感



喪制或以意外事妨奪計一生能賞此月者殆無幾  
年計天下能賞此月者殆無幾人可歎哉東坡詩云  
此生此夜不長好明月明年何處看達哉斯言

苟不知道不知足世無快樂之人

由乞丐而望吾輩彼以為天上人也而吾輩不自知  
其樂自此推之由吾輩以上之人亦猶吾也何樂之  
云惟知道知足者無所往而不樂士人未發舉意謂  
發舉必有樂已發舉反望及第未嘗樂也及第意  
謂及第則大樂也及第未望冠綬改官亦未嘗樂也

指而上之雖為宰執亦未嘗樂耳

光陰迅速

日視漏刻夜聽更點然後知光陰果迅速也是以君子競辰佛經云念念遷改亦欲人警懼而知競辰之意歟

俗諺

俗諺多合理其曰鮑老當筵笑郭郎笑他舞袖大郎當若教鮑老當筵舞轉更郎當似郭郎言雖戲俗諺諺實有至理可發一笑

無事

東坡云無事靜坐便覺一日似兩日第恨無好湯使  
嚙不下享所謂好湯使者無他知足安分妄念不起  
是已若不知足安分妄念紛然無事靜坐其病反甚  
焉耳

相形

貧富生於相形不見富之有餘則貧自安於不足惟  
其見富之有餘方起慕羨是以有不足之歎故富人  
又門不可頻登富人之會不必數赴故曰不見可欲

使心不亂也

富之驕貧貧之諂富政緣日與交涉耳使貧無求於富貧者何所諂富不能役貧富者何足驕哉

相笑

世之恣意奉養者笑清脩者曰枉過一世何自苦為清脩者亦笑恣意奉養者曰枉過一世何自苦為彼此相笑未知孰是當問識者

自幸

人生斯世特有幸耳非有能否也得幸多者為福人

人皆幸之而已不知自幸又欲無戢可乎僕雖拙疎  
細數僥倖凡數十條書以自警生於中華一幸也生  
為男子二幸也粗有識知三幸也生於士大夫之家  
四幸也自幼業儒五幸也遇明主六幸也弱冠登第  
無場屋之苦七幸也免於就館八幸也龍飛乙科免  
求闕陞文字九幸也便為職官免簿尉塵勞十幸也  
濫中科目十一幸也一任職官即入朝十二幸也改  
官不用舉主十三幸也免作邑十四幸也不外補而  
除禁從十五幸也十年館學無掌兩制入侍經筵十

六章也衣章之寵十七章也贈親封妻逐郊養子十八章也安享祠祿十九章也粗有田宅免飢寒之逼家事付之妻與子無所踰預二十章也粗有園館二十一章也年過父兄二十二章也骨肉團圓二十三章也夫妻偕老二十四章也退居田野親識滿前無羈旅之愁二十五章也閨門和睦子弟可教二十六章也出有舟車役有奴僕二十七章也圖史左右應詠隨意二十八章也身名不辱二十九章也強健無疾三十章也是三十端有一不如意則敗人意僥倖

如此又復何求乎

自警

人之生世苦樂二境而已莫不欲避苦而趨樂而有不能遂其意者制於命也苟制於命則無奈何而有可以自樂享之而不自知與夫初無所苦而妄自生苦又有作顛倒見反以苦為樂妄生羨慕之心而不得為苦者是自取之非命所制也非愚而何世間最苦者飢寒切身一也身抱疾苦二也骨肉死喪三也子弟不肖四也今皆無一有焉其可樂者衣食粗

給一也身健無疾二也骨肉團圓三也子弟循理四也今皆盡兼之矣而又一日有適意之樂觀釋氏書於朝觀儒書於午其精理玩味而無窮一也明窓淨几精筆妙墨模學法書二也徐步小園賞翫花竹三也登城觀山延賞風月四也教子弟讀書稍有長進則為之喜五也與並友談理六也與親故情話七也不任憂喜八也早眠晏起九也觀放生十也觀稼十一也遊舟十二也奕棋十三也聽琴十四也觀鶴十五也靜坐焚香十六也是十有五樂者日日享之而不自知



者也至於為未來事預憂為子孫計預憂為不可善  
力事閑憂此三憂者是顛倒見非所當憂而自取之  
者也若乃慕官職之高而不知有復危機之憂慕聲  
色之樂而不知有伐性命之憂慕妄求之為樂而不  
知造罪業之憂此三憂者亦顛倒見以苦為樂而徒  
羨之也書之坐隅以自警且以自警

追思

昨日在荆生朝追思甲寅年至今整二十載是時余  
以奉官貳卿出使回左司諫章穎挾私謂予舊丞相

人果既攻深葛遂併及余光宗聖明照知我詔不  
降出其章予以誼當引退亟出關待命餘兩月未  
予決因寓新橋寄居馮封椿家書院會拙荆生日大  
姊母子甥姪楊之邁夫婦來為壽并請馮室今大姊  
楊親及馮室墓木皆拱矣楊室改嫁再娶子時官朝散大  
夫今中太太荆婦封令人今碩人祖仁方奏補今為  
通直郎祖義祖禮祖智祖信未有官今皆受命屋止  
有數間竹椽低小今添蓋前後五倍於昔又頗華潔  
時方欲營小園未有端緒今園有亭館數處蒼竹茂

密至於住業亦三倍於前器皿餐錯不必外假諸子  
初皆未娶今祖仁祖義祖禮祖智皆授室第二女未  
嫁今已有甥大小數歲無一不勝前者則是十年之  
間謂之命好可也然余自章論之後雖再入為小宰  
六郡授命除每與樞密安和待泉南皆不赴得當塗  
為一年四箇月再得泉南為一年三箇月  
今得而復三遭煩言人謂予多齟齬者此也然利害  
當計其實今實則無損何言齟齬乎以此自省不覺  
有僥倖之喜抑予腳踏實地造物相之雖有傾擲豈

錄深害與嘉泰四年五月八日

欣戚相生

人之所欣生於戚戚却生乎欣試以一二事明之  
子發舉則欣矣春闈見黜則大戚女子得男則欣矣  
一旦失之則大戚是戚生於欣也抱病則戚病愈則  
欣失物則戚已失復得則欣是欣生於戚也無所欣  
戚初則人自生之達者知其然故於得喪無所欣戚  
也

憂喜相生

喜生憂憂生喜若循環然假如元未有得忽得之斯

喜矣既得之復失之斯憂矣已失之復得之又喜矣  
達者得之知後必失之失之如本來之無有此所以  
無憂無喜也

經鉏堂雜誌卷六終

烈祖堂雜誌卷七

宋雪川倪思正父 士

雪川城守已見

雪川自唐末五代以來不經兵火此非天幸蓋其地險可守者二十不當孔道非必爭之地一也陂澤彌望塗泥沮洳舟車皆阻二也環城無駐足之地難下寨難施砲架難用綽路馬難推鵝車洞子雲梯之屬三也城外居民屋宇不過數十家臨時毀拆容易四也地薄數尺即水不可穿穴地道五也塘路多有水

港間斷六也陸行不可並馬七也城上非沙難頽八也舟楫輕捷人人能沒水九也油泥可用澆潑塘路及近城去處去一二尺乾土以油泥實之油泥厚尺許非一兩月不乾實與人踐踏無不蹶陷十也釘椿犬牙相錯多下墮者尤重則為暗椿所礙舟稍大則不能入椿進退不可十一也焚葑堆積以覆陷穽誘之陷沒放水浸田使不可行十二也城中多失家有資力可召募不逞群不逞為官收拾既可免竊發又多壯勇可用十三也去山遠無以高臨下

勢十四也水流不湍峻不可引以灌城十五也虜  
騎正兵不敢來不過偏師到此已是冬末春初不能  
久留十六也西溪灌注無渴乏之患十七也家家近  
水火攻易救十八也西南北水面濶雖閉門久氣不  
鬱壅不至生病十九也有魚鰕螺蜆菰芡芡茫藕根  
可以助食二十也大凡守城須先遠守城外險處南  
路陸路當守何山嶺水路當守衡山東門當守舊館  
昇山水路當守河口昆山青塘門西門當守法華仁  
王山路水路當守永壽北門水路當守大全等處險



不能拒然後退而守城盡拆橋梁輦去石

若不輦去  
彼作砲用

環城港汊皆施椿陸路當掘坑用油泥焚葑暗施鐵  
蒺藜苦竹槍使之川陸無路舟馬皆不可近城先之  
以守遠險次之以守近險然後守城是三重城也又  
守處在遠城中少驚恐人心自安敵至則又當撓之  
或劫其火頭輜重或夜劫其寨虜睡重易劫或放火  
或決水或出奇兵於其後及其左右近城村落隔水  
抄掠亦難不過一月乏食遁矣然後尾而襲之常遠  
而勿迫自然陷溺如此非惟可保性命亦可立戰功

然必人心一部分定

以明分四部各若干人在中為救應

聽

令明斥堠遠賞罰信權出於一勿有二三禁虛驚蓋  
妄言禁喧笑主謀者不怯畏處之恬然雖城破猶可  
巷戰死闘也若其積糧積薪及守城器具自有常法  
不必詳述至於臨時機變隨機而應又難預言

或曰雪川久有富庶之名虜盜所垂涎決不可守是  
在我因而用之耳吾能以富盛之資厚募強壯醖賞  
以待功能則富盛反為吾利耳同舟而遇風濤胡越  
可使為左右手況各有性命利害使智者出謀富者

出財勇者出力何事不濟曩時京城破金銀財物為  
虜括刷無遺銖兩皆不可藏為私有使城未破時有  
能糾率金銀募士力戰虜詎能破城哉覆轍在前可  
為永鑒此在識事勢輕重者觀之利害曉然若乃只  
為一身計或入太湖或藏山間或往村落則一強有  
力者能劫縱竄伏草莽亦餓死是虜未至先為賊困  
矣往他州遠處路多盜賊決不能達若近處復有險  
如雲川者乎一身幸脫其如老稚婦女何家破身存  
何似生為此大謬也

獨有築土一事難禦敵若以布袋萬個盛土往來城下堆積立可與城齊須常深察敵必以船載來須多方以覆其船使不得近城更講究近城堆積時何術毀之當問智者

偶書

人之所好各有所偏苟遂所好則足矣其所不好者亦何必有焉余之所好者溪山也今茗溪群山率吾目前余之所好者花竹也今三徑粗成紅綠芳妍余之所好者圖史也今棟架卷軸隨意可觀是凡余所

甚欲者莫不兼全孟子曰堂高數仞椽題數尺食前方丈侍妾數百人般樂飲酒馳騁田獵後車千乘此三者孟子得志之所不為余之所無有者此而又奚歎而奚慙將以彼而易此吾不願也姑樂吾素好保其性天然則不幾於愚信有之而頑不可鑄與其強營而身勞不若遂性而心安彼世俗固所哂笑或有識者未必不以我為然也第當益堅願加勉旃昨日端午世之為端午者其等差不可勝計也姑以三等計之上焉者極其豪侈誇新而闔靡也中焉者泛然

絲隨宜而取醉也下焉者雖角黍之微亦不可得  
自憐而歎喟也至於今晨皆墮渺茫恍若夢寐諺曰  
端午六鰲綖此與東坡云明日黃花蝶也愁同意也非  
惟陰可惜人情節物舉無意味矣人能以端午處  
端午則貧富一致何喜何戚何誇何愧也世事無不  
類此夫唯觸類而思之則亦可以言智矣

學者自勿讀書師尊者孔顏與孔門弟子孟子荀子  
楊子文中子此數聖賢窮困不遇其後世言詩則杜  
子美李太白晚唐詩人以名聞者非一在本朝若黃

魯直陳無已其前則梅聖俞蘇子美皆困於時經術  
若孫明復胡安定程伊川謝顯道其困愈甚今人曰  
吾抱才藝時不我用是為大屈不知學問文章有如  
前脩者否其困阨流落未至已甚是不自量者也且  
天以窮阨困人乃所以欲其動心忍性增益其所不  
能不知自反而乃怨天是全無知識可憫不須憐可  
罪不須惜

或問君子有憂乎無憂乎曰有憂亦無憂有憂者為  
天下國家無憂者為一己利害任天下國家者固不

能無慮不任事責者亦有憂乎曰不任事責亦當憂也憂不忠也不仁也一己利害豈無可憂者乎曰亦有憂也亦不足憂也人力可為不勉而自取顛沛可憂也力之所不可柰何而預憂是妄憂也故曰亦憂亦不憂

時有否泰命有通塞才有用舍是故聖人教人不律人以一準不拘人以一塗而其自處亦曰用之則行舍之則藏而語聖人之得中道則曰可以仕則仕可以止則止今之人不然仕進者曰吾知仕進而已苟



可以媒身者無不為也俗眼又從而評之曰吾不知  
賢愚但進用者則賢退黜者則不肖是可為定論乎  
而聞其說者中無所主謂外論為榮辱是果真榮辱  
乎

### 觀物有感

均之為花也其植於人同其託於天地同其受陰陽  
之氣同其被雨露之澤風日之益又同然而開有先  
後落有先後則未嘗同藉曰花之品不齊然有同於  
者而開落損殊雖造化有不能使之同者美吾於是

乎有感

方春之時牡丹芍藥開桃李開下至薺亦開至于夏則俱謝矣而薺曰吾未也待我為桃李桃李曰吾未也待我為牡丹芍藥殊不知其分止此其時已過徒望其所非望而卒不能有分毫之益也吾於是有所感

老傳

記曰七十曰老而傳古人年多壽考或至期頤既傳之後餘年尚多是以獲享晚景安樂後世七十者稀縱有高壽或自放心不下或無佳子弟可託以此汨

終錄卷之七  
一  
沒至死余家世年七十者甚少又自稟性怯弱且以  
六十為期今五十四矣餘年無幾矣余素好恬淡視  
勢利頗輕故不以禮經為準先期而傳亦幸祖仁輩  
謹飭識義禮可以傳也既傳之後若復闢省是余之  
過書付祖仁且以自警

善為家者必有積倉適千里者三月聚糧此常人所  
之不待智者計慮之詳今夫死生亦大矣生而精爽  
如此死決不與草木俱腐如瞿曇之說必將輪迴於  
六趣然則於其生也豈可不預為死計慮哉年在壯

時血氣方剛茫乎弗思今既衰矣不知覺悟是謂昧  
迷吾方儲來世之積倉聚死路之齋糧汲汲遑遑又  
何暇為今世計而經營較量乎禮有老傳傳諸祖仁  
女其勉之以慰親心慶元庚申端午齊齋老人書

後漢向子平男女娶嫁既畢勅斷家事勿相關當如  
我死也子平猶待婚嫁之畢若余則又不待其畢矣  
又易其言曰我如已死苟我如已死則雖欲顧省家  
事子弟知相關之徒然必不以家事相擾矣

家訓

持身立家不過二說剛彊者曰非此則不可主張柔弱者曰非此則不可免禍要其終而計剛彊極則至於殺身破家而柔弱者不過眼前不如意久有餘味故老子曰柔弱者生之徒剛彊者死之徒幹僕從吏主人必曰大弱無以立綱紀主人聽之結怨與訟在幹僕計得矣所損主人不知其幾子弟宜戒之利十分人誰不趨害十分人誰不避利害參半則避就在所擇然非素有學識不能擇也

他年身後一切從儉子孫不許隨順世俗以侈為尚  
津送止合痛省墳域還山只象若石羊石馬石虎之  
類乃是標揭要人發掘切不可為至於棺斂只涼衫  
道服若金帶及銀器並不許入棺其他徇俗虛費一  
切勿講能從此者是謂孝子若俗人以此見責者以  
此呈之

示兒

學者當有日新之功所謂日新之功唯有常程不貪  
多而務博不一暴而十寒積以悠久自然日新若乃

驟勤而遽怠方得而旋失雖欲日新豈可得哉  
騏驎一日千里駕馬十駕則亦及之騏驎雖能一日  
千里苟止而不行反不若駕馬之十駕也古語有之  
太山之雷穿石諺曰將勤補拙祖資格比兄弟差  
鈍然資質純謹儻能勉勵夜以繼日勤於講究不耻  
問人安知其不能十駕也人之才質各有所長亦各  
有所短儻能去其短則能全其所長矣持重者長患  
於遲鈍銳敏者常失之輕脫祖信之才質吾懼其  
失之輕脫也今去歲止兩月餘便是十三退之云年

三十二三頭角稍相踈便當日親君子勿為兒態動  
於學問色莊身端務為持重勿失之於輕脫終必有  
成矣

子弟之職孝弟第一謹畏第二儉約第三學問第四  
才名第五幹蠱第六不墜門風第七粗守家業第八  
能訓子孫第九不伐松楸第十

遺女十戒

第一持身端正

婦人之過失行第一或云醜婦未必有此過是不



然若無教訓不問妍醜

第二恭順孝敬

恭順翁姑固不待說妯娌姑叔之間亦宜

第三不得應對

大人嗔責雖我理直尚當忍受况已理短當面應對則為無理退有後言亦不可也

第四不得鬭合

鬭合上下致不和睦衆人知之罪不可外

第五不得索賄

夫雖柔和不可倚託

第六不得盜竊

竊食雖是小過為人所獲有何面目況於竊財

第七不得賭博

節序些少戲耍則可不可無度

第八不得醉酒

大人彊勸或至於醉便請歸房

第九勤謹清潔

勤謹謂夙興夜寐清潔謂整齊衣服頭腳之屬

第十不得凌虐婢使

婢使小過則嗔罵所不能免不許高聲如有大過說與良人治之不許用手扯摔打摑之類

吾人家女與他輩不同若能持十戒則謂之有家法若不能持此十戒則謂之無教訓常宜遵守無累二親

買妾家訓

素富貴之家蓄教聲伎蓋其事力有餘規模素定聞見習熟無甚大害若乃寒士驟至顯榮而欲買聲伎

以恣已欲其害二十

一寒士自小官以致顯位必在中年之後筋力既衰思慮又過心腎不相交濟而使少艾者迭進攻之傷其趣死莫此為甚雖服金石本虛無益多生腦癰背疽殊可憐也

一寒士糟糠之妻少同辛苦今以進妾之故糟糠之妻反成冷落怨詈恚怒遂為仇敵妬忌之情人所不免妻弱則日事誼爭家政隨壞妻疆則日事簪楚逼令墮胎甚則自戕至於妾恃主愛

犯分僭上讒諸主母離間父子至於合鬪親房  
內外不足又不論也

一晚年妾有子不惟嫡妻不容嫡子恐分家業深  
所忌惡幸而廢子不為正嫡所害必不肯推心  
教之任其自然父死之後必是不肖

一其父日事聲伎欲令其子以從學必有後言其  
子縱好資質見父督責面從而心不服若其癡  
騷年少其從師友讀書乎其歸家竊聽聲伎乎  
人情揆度必從易入者矣淫聲褻語日接於耳

以謔笑為歡以優諧為能雖有好客賢亦喪其  
良心是父導之也不惟子弟而已僕妾混雜中  
外無別教聲譽客亦得亂之翁媼出入不可禁  
止矣

一其父既有聲伎必防子弟侵盜若隔絕異居父  
子之情次不相通若其共居妾方慕少子弟不  
知禮法必為誘陷以致亂倫又有父在其子不  
能堪特以父故隱忍至父歿子必痛治其妾妾  
知其家隱匿校牒論訟者多矣

一聲伎粗備必欲其事事相稱且彼不甘喫枯淡而在我方欲徇其所欲家貲無餘必妄營求陷於不義勉彊置買未能周備見他人周備者復懷慕羨貪欲之心何有窮已

一家力有餘計較請門客之費却不招延佳士以教其子而月以錢米招募教聲暮客不肯用錢買書與子讀至買樂器則不惜費真倒置也

一貧親戚甚多無力振贍每以懷愧至於群婢之家或論月或論年各有供贍則不較也

一當官惟清心寡欲則可專意外事既為聲伎盡惑身雖在外而心實在內惟恐外事之多眉密之衆及其既入雖有公事及公屬取覆不復肯出不得已而出心懷怒忿安能從容平心應酬乎

一當官帶私僕已難關防若群婢父兄母嫂來必招攬公事關節交通必所不免豈惟當官在私家湏要與諸婢家影滯閤戶亦為見任者所厭如私酒私鹽放債欺欺平人之類



一既有婢妾招賓飲燕或疑賓客挑之或實為賓客所挑又賓客或見其顏色伎藝多方以懷之決不能堪

一婢妾必是年少而主人者決是衰老婢欲求脫相與結謀其害多端

一婢妾爭寵誼競主人者不能斷決逃避他處買婢妾本以奉已而反觀其顏色喜怒惟恐奉之不至噫可笑已

一人之所主寢食而已竊飲通宵醉後從事房室

日高乃能起寢與食晝與夜失其常度豈不狀賊乎

一有不積陰德者初買童女既犯之而厭誣以盜竊轉賣復責元錢又有年限已滿多方艱阻不得脫身又有其初給覓以為女及其長遂以為妾尤無狀也

一又有別宅置寵者在家猶不可防閑而在外或外情相涉所生之子不知主名

一妻嚴素無容德特迫於事勢與置一兩輩粧景

實不可犯主妾徒有慕悅之情多成悵快

一身死而妾有子妾或少既為母其家別無尊長  
或有外情子不可制尤難區處妾本賤種一旦  
驟為人母尤奸作體其子有不到處尚能寬假  
至於子婦多造事端凌虐重臺尤為甚酷

一妾既為主人所犯必恃此而與他人通妾既嬖  
又急欲有子多是求種妾作又有種主人以資  
子多是異姓閭閻之子大為不便

一既多子不能制欲反怨妾之有子繞膝姪逼令

墮胎已生逼令不育實為陰謀

然則妾不可買乎惟無子者不得已而置之須擇姦性十分循謹者不可專求色藝又須制以禮法仍莫討出契人斯無大害

歲計

儉者君子之德世俗以儉為鄙非遠識也儉則足用儉則寡求儉則可以成家儉則可以立身儉則可以傳子孫奢則用不給奢則貪求奢則揜身奢則破家奢則不可以訓子孫利害相反如此可不念哉富家

有富家計貧家有貧家計量入為出則不至乏用矣  
用常有餘則可以為意外橫用之惜矣今以家之用  
分而為二令兩子弟分掌之其日用收支為一其歲  
計收支為一日用以賃錢俸錢當之每月終白尊長  
有餘則趨在後月不足則取歲計錢足之歲計以家  
之薄產所入當之歲終以白尊長有餘則來歲可以  
舉事謂如添造屋宇之類不足則無所與舉可以展向後者一  
切勿為以待可為而為之或有意外橫用亦告於尊

人家至於破產先自借用官物錢始既先借用官物錢至於官物催贖不免舉債與質久而利重雖欲存產業不可得矣故當先椿留官物錢則無此患僕奮空拳粗成家業毫分積累甚難諸子宜體念各存公心管幹且為二十年計日後則事難料又在諸子從長區處僕之智力有不及矣月河莫侍郎家甚富兄弟同居亦三十餘年此可法也蓋聚居則百費皆省析居則人各有費也然須上下和睦若自能奮飛不藉父業則聽其挈出不可將帶父業留以與不能奮

飛者可也

人家用度皆可預計惟橫用不可預計若婚嫁之事是閑暇時子弟自能主張若乃喪葬倉卒之際往往為浮言所動多至妄用以此為孝世俗之見切不可徇只當隨家豐儉也慶元六年九月十五日

月計

士大夫家子弟若無家業經營衣食不過三端上焉者仕而仰祿中焉者就館聚徒下焉者干求假貸今貧多關少待次之日常多官小俸薄既難贍給遠宦

有往來道塗之費縱餘無幾意外有丁憂論罷之虞  
不可不備又還家無以為策則居官凡事掣肘若有  
退步進退在我易以行志矣就館聚徒所得不過數  
千有一虛館爭者甚衆未娶就館猶可既娶之後難  
遠離家在己為羈旅在家則有事不可照屬或自有  
子欲教不可若稍有家業則可免此患縱不免就館  
聚徒亦不至若不可一日無館者之窘也至於干謁  
假貸滋味尤惡不唯趨趨需此狀可惡奔走於道  
塗見拒於閭人懼况之惡抑又可知縱有所得無幾



久而化為唇吻潔持之士化為無廉耻可厭之人若  
乃假貸親故至一至再亦難言矣諺曰做箇求人面  
不成此言有理若自有薄產無此惡况矣吾家業雖  
不多若自知節省且為二十年計可以使汝輩待闕  
不至狼狽既免聚後就館又免于求假貸諺曰求人  
不如求己此之謂也已作歲計簿復作月計簿蓋先  
有月計然後歲計可知若月之所用多於其所入積  
而至歲為大闕用矣世間事固終歸空人固各有命  
然可施智力處亦不當不理會又所求者在己與夫

不知義命妄求者大異也非是空言乃真達理

經訓堂雜誌卷七終

經鉅堂雜誌卷八

宋雪川倪思正父

書日閣

齊齋十樂

讀義理書學法帖字澄心靜坐益友清談小酌半醺  
澆花種竹聽琴翫鶴焚香煎茶登城觀山寓意奕棋  
雖有他樂吾不易矣

齊齋三戒

不妄出入不妄言語不妄憂慮此吾深病切宜戒之  
經鉅堂八卷

齊齋居士書

記雪川遊賞去處

城內

顏魯公堂

莫氏蓮莊

莫郎中園

魯氏極目

林氏溪堂

楊氏水雲鄉

萬氏南園

鄒氏園

慈感寺

沈尚書園

晦巖園

葉氏園

趙氏北園

俞氏園

向氏園

城外

程氏園

道場山

何山

峴山

趙氏玉鑑

趙氏慶源堂

法華山

仁王寺

湖趺亭

荻崗寺

趙氏小隱

思溪寺

西余山

趙氏梅園

弁山觀

石林

苗龍洞

賽玲瓏

小玲瓏

太湖之濱

張氏園

東林

菁山

濮山

德清

長興

武康

凡四十二處若月一遊則日日可度每歲一遊則可  
閱三十年日日遊太頻勞費可厭歲一遊太疎今酌  
其宜每月往一處遊一月之中又擇良辰美景具山  
肴野蔌或邀一兩賓無賓輪携子弟同行庶幾疎頻  
得中至於月夕雪夜暑天遊溪賞荷又不在此也齊  
齋居士書

自臨安歸

余以開禧三年嘉平月趨召嘉定元年八月初五日  
工外得請而歸接履故園松竹無恙如實未嘗出也

立朝數月殆類短夢以是推之生死大變亦由是矣所可喜者謂其不失故廬耳而吾亦不失故吾耳若出而無所建明徒叨廩祿及其歸也寧不愧於猿鶴也哉

粗兄之商淵明有子之白樂天  
以官之林和靖不講之黃魯直

### 六物

後生不讀書而老者讀書胥吏幹人子孫應科舉而官門不習舉業貧者妄用而富者節儉藿食者憂慮而肉食者泰然僧道食葷而俗人好善茹素富貴家女為新婦遵禮法甘枯淡貧賤家女為新婦反不識

好惡

觀史

觀歷代諸史苟有一長皆足垂世行後不必勲業若  
循吏若儒林若文苑若孝友若篤行若隱逸雖匹夫  
之微有一于此足矣不藉富貴不假勢力自勉而已  
豈不簡易而可行哉齊齋居士書

李建勲戒家人

南唐司徒李建勲戒家人曰吾得良死幸矣勿封土  
立碑聽人肆言於其上免為他日開發之標其後世



貴人高大之塚無不發者惟建勲塚吳知其處

葬也者藏也自古聖賢皆以儉葬為久計見  
諸簡策多矣卒不能移世俗之說開世俗之  
蔽蓋世俗求以眩一時之目不為死者遠慮  
謂之孝乃至不孝故書此以遺諸子開禧丁  
卯五月望葬蘇老人

十不如

畫扇不如紙扇錦綺不如布帛巨艦不如輕舟高堂  
不如低屋金寶器物不如甕瓦麗妻豔妾不如醜妻

惡妻食肉不如素餐厚葬不如薄葬俊喪不如樸厚  
富貴不如貧賤

十或問

或問生死曰晝夜或問今生來生曰今日來日或問  
佛土曰清淨慈悲或問地獄曰貪濁忿怒或問快樂  
曰知足或問尊榮曰無求或問報應曰形影或問久  
長曰如常或問享福曰無禍或問壽考曰不朽

庵內外絕景

碧潭龍泉一也薛石崔嵬二也野香古梅三也雲泉

寶山也長林高松五也慶雲跳珠六也精巖翠壑  
七也書堂脩篁八也小界山峨眉九也翠微清越十  
也此巖中之絕也寶明杉徑一也潭頭泉石二也常  
照竹軒三也常照脩徑四也西巖幽景五也張氏梅  
園六也常照翠峯七也此巖外近在咫尺七絕也凡  
此七絕他人得其一已為奇勝今予兼而有之至於  
小舟溪行之景山禽百變之聲雲烟出沒之態又不  
論也日享清樂可謂屬厭自非造物付與何以得之  
此予所以深自慶幸而樂於居山者也

居山約

余營兼山本以歲拙已就粗安可以忘歸諸兒之意  
眷戀挽留又難遽絕今與汝曹約每月二十日在山  
十日在家獨甚暑甚寒兩月則全在家恐山中不便  
也山中不可獨須子弟一人侍置曆輪流四子每人  
一旬周而復始其當旬者凡飲膳之類專掌之其餘  
在家有効時新各隨其意多少不拘無亦不責其或  
有商議事合要來此不必當旬自宜前稟自六月為  
始至於旬下書名如當旬有私幹兄弟那容

貴人十反

貴人十反夜當卧而飲宴早當起而醉卧心當逸而勞身當勞而逸客束脩不請師教子弟而以大錢碩教聲妓藥餌無病而服有病不肯服果蔬尚新不待熟食物取細失正味山水不喜真境而喜園畫器用不貴金銀而貴銅瓦

書坐忘論

斷緣

余既墮世網念欲斷緣終未能斷若不為倡則久已

行之至於彼倡而我不和慮招怨怨所以未能如子  
微之言若乃事有不可廢者不得已而行之勿遂生  
愛繫心為業此則在我可勉者也

收心

世之欲收心學道者徃徃專於習靜使其心若槁木  
死灰然然心豈可使若槁木死灰哉是以習靜而心  
愈動去道愈遠今司馬子微曰息亂而不滅照守靜  
而不著空又曰要有幾子且任思量悟已則止此真

學道之妙

簡事

斷緣者斷與人交際之緣簡事者簡自己奉養之事也外斷緣內簡事其於學道也易矣

奉定

至人以忘名為貴而吾徒惟恐名之不彰是以喜譽惡毀宜其去道愈遠也

振翼

此即釋氏所謂戒慧也乃知道釋一貫初無二理坐忘論七篇振翼一篇明白有據今節取精要書之坐

右

好官好人

蔡京有言既要做好官又要做好人可乎此言兩者不可得全也以理推之大不然世之治也做好官者必人之至賢如使為好官不復得為好人是何等時乎而小人言之不慙益可以見其好矣夫君子脩其天爵而已不計世之治亂豈誘惑於姦言乎甘心得好官不願為好人風俗至此是以小人得以軒輊焉殊可憐也書之座隅用自警勵



意林

精養兵

古之兵無事則耕有事則戰故無養兵之源  
後世專督農以耕督兵以戰兵民既分於農  
有養兵之費今日財用所入施於兵者十居  
其九夫農不裕資耗於養兵欲兵得其養而  
財不告匱如之何則可

談者類曰天下未嘗有兩全之利愚謂不然利之不  
能兩全者蓋處之未得其道耳如得其道曷為而不

兩全乎利害之相關理勢之相因察其本源而治之則一舉而兼得夫不求其本源而惟束流之是務此世俗所以嘗怪乎兩全之難也民者所以養兵者也兵者所以衛民者也欲兵彊疆則民必困欲民之裕則兵必弱議者於是蓋未得所以為兩全之策也曷不於其本源者而究之乎歲今民力之困甚矣中產無終歲之儲田野多失業之歎幸遇豐歲猶可支吾稍稍歉荒必至流莩民力之不可不裕固也然而科歛之甚日以嚴急州縣胥迫不容少緩聖天子躬儉

德於上省浮費節濫予戒括堯知羨餘寬鄧之詔月  
月相繼求所以輕賦而裕民者其講明非不詳且至  
矣而吾民未受實利蓋養兵之費未省則賦不可得  
而輕賦不可得而輕則民不可得而裕是所謂利害  
之相關理勢之相因者然而連營列伍開口待哺恒  
期不可缺望柰何議者固常思所以省之而不可得  
竊嘗究其本源而得之以為良者先自治其始古之  
所謂強兵者非必衆其部伍多其卒衆之謂蓋有以  
百萬而敗者有以數千勝者老弱歟懦怯歟強小歟

疾病歟如使數者而得以混雜於其中雖百萬之多而何益勇者一可以當百銳者百可以當千如使人皆勇者銳者則雖數千之少而足用昔我太祖太宗之定天下軍旅四出所向無敵而兵不過二十萬以天下之全力養兵之數不過如此蓋一兵之費月廩幾何取賜幾何三歲郊賚幾何其始之招募其終之養老其費又不知其幾何一兵在籍一家仰給不知費幾農夫之力也今以天下之兵籍略計之行都之宿衛沿流之駐劄州郡之分屯無慮七八十萬累

南民力安得而不困哉昔孫權赤壁之戰周瑜請五萬人權以為五萬人卒難得於三萬人足以破曹公而有餘符堅以百萬之師臨晉謝玄破之其兵亦止於八千而已此二者皆東南大變或以三萬或以八千非唯足以拒敵而且能以取勝議者復曰今日之兵非止為守計也如將為他日恢復之用則兵固不可少矣愚謂不然古之取天下者非特恃己兵之衆蓋亦因敵之兵而用之如使虜有可乘之隙吾以弔伐為名則豪傑必有響應義師必有景從者敵之兵

吾之兵也漢高帝繇蜀漢定三秦不過從思東歸之士至其合五諸侯兵至彭城則反為項羽所敗則兵不在衆也又况東南戰士自古號為輕銳項羽以八千而成霸業季陵以五千而深入虜廷公此列兵患不精耳苟精矣雖進取可也然而今固未可以遽省必得三術而後可一曰擇將帥二曰精招募三曰示激勸何謂擇將帥將帥者兵之司命也兵無衆寡惟將所用將得其人則臨機應變智策無窮號令信明士皆盡死能以少為衆矣自休兵以來宿將老死幾

新將未甚知名行伍之間豈無可用特患未知所以擇之擇之之道莫若使大將歲舉所知然後命樞庭延問訪以軍事如得其人則以次擢用可也何謂精招募國家竭民力以養兵豈欲為是虛聲而已固將有以用之必強悍必勇銳必輕捷然後為不徒養苟為不然既藉於兵則他日不可以汰去彼其雖怯雖弱雖短小而資廩不可以少減是故莫若嚴擇於招募之始厥今諸將大抵徒務多兵以充數誘陷愚民非其願欲怯弱短小莫不煩刺十人之中可用者

不過三四愚以為莫若申戒將帥使所募者必中伏  
式則人人精勇得其用矣何謂示激勸夫兵之所習  
者技也所慕者賞也技精者有賞則能者勸不能者  
奮矣昔時名將往往各出私財於較閱之際明示激  
勸今者雖金鼓相聞名為日習戎事而勸激未至能  
否無別故莫若朝廷少予金帛命諸將時時擇其精  
勇者而加旌別焉則士氣必倍矣三說既行新兵既  
皆可用舊兵有關勿補至於虛籍之弊私役占破之  
弊法禁具在皆可申嚴則向之七八十萬兵今雖四



五十萬而足矣如此則常賦可以漸減民力可以漸裕而士氣自壯兵氣日強一舉而兩利其在茲乎

### 救荒政

水旱之變或謂出於天數或謂出於人事其說如何今日荒政之弊如常平義倉所積既少而其弊又多勸諭民間莫肯出力以助公上穀價踊貴田野流移將何以濟王者以民為天民以食為天一日無食則民飢苦而豐凶之相乘水旱之或時有是以聖人厚蓄積

備先具孰歛散之權以為裁威輔細之道故  
雖遇歉歲而民無捐瘠之憂備三代之盛使  
民三年耕則有一年之蓄九年耕則有三  
年之蓄以三十年之通則當有十年之蓄矣夫  
以積蓄之富如此雖有水旱之變宜無足慮  
考之周官所以為救荒之政何其詳且悉也  
遺人以施其委積鈞人以蠲其政賦頒其歲  
則有倉人馬均其食則有司稼焉移民以就  
穀則廩人職之移民以通財則掌郵職之而

大宗脩所掌荒政其目尤多所謂散利薄征  
緩刑弛力之類凡十有二焉蓋以凶荒之變  
利害甚大雖有蓄藏之備而無區畫之方則  
民有不得其食者矣又况蓄藏之備非必如  
三代哉

恭惟主上留意內治勤卹民隱比以亢旱為災深切  
軫慮先事預備條舉荒政唯恐不及甚盛德也執事  
發為問目下詢末學碩何足以仰裨萬一雖然請試  
言之今日救荒之政大要有三一曰戒壅隔夫民有

災而告于有司為守令者所宜以實聞于朝可也而今守令往往抑之使不得言蓋其意預欲迎承求悅於上以為災異者上所諱聞也是故旱而稍得雨則曰雨已霑足田實無所收則曰不至甚害至於聚歛之吏惟恐蠲減之多其欲隱蔽尤甚如此則民隱曷得而上聞德意何緣而下究乎故莫若申戒守令使自一畝一頃以上有傷者悉與閭實然後朝廷可以知天下災傷之輕重而為之賑救矣二曰擇監司夫朝廷雖有賑濟之備苟不得人而為之經理則災異

皆出利之所入者及胥吏而不及細民及豪強而不  
及軍弱及城郭而不及鄉保貨賂通行於是有冒名  
之弊迄後壅併於是有蹂踐之虞聚而為疫癘散而  
為盜賊不可不慮也天下守令不能人人皆賢故莫  
不遴選監司之公明者而督察之授以方畧勸以賞  
格其措置有方者則籍姓名以薦於朝其庸謬無能  
者則分事移易必當才而後可則所在人無有弗被  
其澤者矣三曰通商賈夫以天下之廣不能皆荒亦  
必有豐稔之所苟非商賈轉運則遠方之米不能多

致欲商賈之輻輳莫若戒關市之稽留聽米價之自  
然荆襄湖廣之米多自長江而下竊聞沿流關市往  
往巧作名色所至皆滯今若申嚴條禁使商賈轉米  
之舟有司不得誰何夫商賈逐利者也苟米價稍高  
無不爲集故莫若聽其自然米既全集則價當自平  
矣至於常平義倉本以為凶歲之備雖有捐免豈無  
見歲惟盡發而無新可也勸誘富民既立賞格猶有  
未應宜優與官資可也次抵事豫則立軍豫則廢而  
荒政尤不可以少緩及今爲之則官無次費民受實

亦如必待其流徙而後為之經畫則無及矣昔文帝之初賈誼以為公私之積猶可哀痛未幾而貫朽粟腐號稱富庶唐太宗一年蝗二年旱三年大水四年而斗米三錢夫以聖天子威德之至愛民之深小有旱荒豈足為慮惟當盡其所賑救之方則上天降鑒當復有豐穰之應執事又何慮焉

### 抑奔競

銓選一闕而待次者或十餘年何以抑其奔競一官而請俸者幾十餘年何以責其廉潔

聖人執操縱予奪之權以臨制天下天下之人莫不  
俯伏聽命無有歎然不滿之意焉者惟其均而已大  
哉均乎均則人皆悅而服之雖有所奪而人不怨苟  
其不均也雖予人而人反怨之陳平社下宰分肉甚  
均分肉細事也均而可以得一里之歡心項羽宰割  
天下以王諸侯以土地畀人大恩也不均而反以致  
亂今夫一家之中小大百指歲豐則均用其入歲饑  
則均節其用則或節或用長幼皆樂從之人主之於  
天下爵祿我有名器我擅可以為予而予之可以為



奪而奪之無不可者然而有所乎而人且歛望有所  
奪而惴惴然恐人之有辭則不均之患歟官冗之弊  
甚矣選人之在銓者幾萬人京官以上亦不減三四  
千人一官待次近者五六年遠者七八年赴調者狼  
狽於逆旅至無關之可入執造化之柄者束手於廟  
堂至無關之可予於是奔競之弊所由以起貪墨之  
風日以滋甚議者於是有所省官之說有嚴改官之說  
省官之說朝廷雖明知之而難於決然以行嚴改官  
之說朝廷雖改法令而士論猶以為未便誠以未得

所為均之道焉耳上舍釋褐之恩數則鑄減之特奏  
五等之納勅則裁抑之所謂進士之路既已如此而  
任子雜流之濫冗其數自若也州郡百司之薦削既  
有定數矣捕盜京官之賞格既有定負矣所謂孤寒  
之改秩既已如此而侍從宰執之子弟初奏而得京  
官者其數自若也嚴於孤寒而畧於貴近靳於一門  
而濫於他途則無怪衆論之不平朝廷欲有所更革  
而未能也是故莫若均進士之所減者幾人任子雜  
流之所減者幾人孤寒之改秩其負幾人貴近子弟

之初補京官者其負幾人明告於天下曰吾非有所  
靳而塞天下仕進之路勢不得不然也官可省而人  
無怨自斯以往銓選庶乎其無壅而仕進者不至於  
失職至於賦祿之無以養廉其亦於不均而已矣夫  
官大者祿厚官卑者祿薄此其勢固有不可均者然  
而厚者太厚薄者太薄則亦已甚矣今仕之州縣者  
自職幕以下食口稍衆皆不能以自給而其赴調之  
費待闕之費往來般挈之費無所不從出利害迫於  
中中人以下能守節而不變蓋亦難矣內之姻戚也

隨能也歸正也授節試廉車者皆食真俸未嘗滿替  
外之監司郡守也時節互送十倍於所得之俸雖數  
禁載公然受之如使節廉車不妄除互送者必以臧  
論以此等錢少均以益下吏可乎因職而賦祿祿雖  
多而人不以為怨今添差之官不厘務之官皆無職  
掌而坐糜俸廩若是者少鐫以益在職者可乎如此  
則大農之費不增小吏得以養廉而無有不平之歎  
故曰貴於均也

今日以改官為重故薦舉之法甚嚴薦舉者  
法行之未免無弊也故有實跡之說以實跡  
之反為虛文也故有減負之制又恐其輻輳  
之多也於是又立為每歲限負之數其可久  
行乎

厥今天下之事患在於後治其末而不究其本徒詳  
於法而畧於人是以法令數變卒未有久行之利孤  
寒受弊而賢愚有同滯之嘆也夫所貴於薦舉者何  
耶豈非欲得夫賢者才者而用之歟賢者混於不賢

之中才者雜於不才之列於是而加別白焉使賢者  
用不賢者退才者進不才者退此薦舉之所為甚重  
也唐虞三代之盛聞擇人而任之薦舉之事矣不聞  
其立某法定某式而防薦舉之為姦也夫君子小人  
各以其類惟賢知賢則所舉者必賢不肖者知不肖  
則所舉者必不肖矣苟其薦者非其人雖嚴立之法  
而何益何者不肖者之舉不肖非待務為姦欺其上  
蓋其識見之卑不足以知賢者而樂其氣類之相似  
是以從而薦之或謂後世日以澆偽非立法之堅

可今之法不可謂之不嚴而法益嚴弊益甚則以非  
其人之故歟昔者患薦舉之為虛文也於是有實跡  
之說曰某人賢也必明著其賢之之實某人才也必  
明具其才之之狀否則弗聽也以爲是庶幾可以得  
人矣然而行之未幾實跡之効未見而虛偽誕謾之  
風日熾朝廷於是又罷去復用舊法又恐其來者  
之輻輳而無以權節之於是又從而誡薦削立負限  
嗟夫請託之風不戢權勢之書日馳法雖屢更孤寒  
者受其弊耳於薦舉乎何益今之士大夫以薦賢報

國為己任者蓋絕無而僅有耳怵於權勢移於請託  
每每皆是也彼唯視權勢者之輕重而為之等差雖  
有賢者能者且不暇問縱或知其為果賢果能而無  
以及之亦不過歎息而已又況其見識之卑不足以  
知賢者能者而唯樂其氣類之同而以不肖為賢且  
能也是故法日嚴孤寒日以壅隔賢者能者日以難  
進夫立法以防姦非法之所能盡則擇其人而任之  
以薦舉可也如使得賢者而任之彼將孜孜汲汲以  
為國求賢為先務權勢不能移請託不得行而所舉



者必其類矣今為天下之得薦舉者在內則百司長貳也在外則監司郡守也百司長貳往往皆朝廷近臣其選宜精唯郡守之衆不能人人皆擇則擇監司可也監司又不能皆擇則擇職司可也蓋舉負雖足而無職司之薦則不能以陞改是故其利害尤重而天下所謂轉運使副提點刑獄者蓋無幾人也如使皆得公明剛方者而用之雖以今之法得人而有餘不然愚恐法數變而徒為是紛紛耳

寬州縣

今日寬恤之政如州縣苗稅並輸奉邑不得重價科折州縣稅務元非省額者一切廢罷輦轂之征既罷也全年而身丁之錢又復蠲免至於州縣合解之錢亦行倚閣却羨餘之獻戒無名之歛汲茶鹽綱運之費又寬酒禁亞托之害民若此之類皆欲寬民力也上恩如此州縣奉行不虞裝為文具而已

人皆曰欲裕民者當自蠲州縣始愚則曰欲裕民者當自守州縣始入之言曰千里一守百里一令主德

待之而宣上意待之而乎守得其人則千里之民得其養縣得其人則百里之民受其賜奈何懸惻之誠形於膏肝寬卹之詔見於丁寧而斯民猶有歎息愁恨之聲者是非守令之責而誰責歟斥之可也懲之以警百可也此數州縣之說議者所以為裕民之策歟嗚呼州縣之不可不覈固也其毋乃猶有可言者乎上意所向下之所趨也天子有仁民愛物之意而為州縣者敢為是殘民剝下之舉乎非病風喪心亦何敢格上命以自投於典憲州縣而敢格上命則監

司可劾也御史可按也而今監司御史雖明知州縣之不奉行詔令而未盡按劾者乃亦知州縣之不可為而察其情猶可恕乎蓋亦反其本而愚之乃朝廷之所謂減放寬卹者徒知以寬民為名而未知所謂寬州縣乎州縣之與民嘗相關通未有州縣足而民貧亦未有州縣貧而民富者今日蠲某租而州縣之上供自若也明且減某賦而州縣之應辦自若也差之官日以增而揀汰之兵日以益至朝廷之取於州縣者其額不除則州縣之取於吾民者安得少乎

東就西名曰奉行陽城陰增其實北意谷之與川  
異處也川竭則谷虛子之與母異體也母瘠則子羸  
民之與州縣相為開通理蓋如此愚故曰裕民之策  
當自寬州縣始也

尚憶家大人刻襦志于雍陽署中爾時髮  
未燥也迨束髮而卒讀之偶拈一則未竟  
輒舍去以是為平、無甚奇論今忽屆安  
仁二毛之年攬鏡孤憐中宵永歎初春放  
舟玄墓看梅遂謁陳先生於山居目及吾  
鄉文節清風千古表章自不可少歸航無

事重展舊編語：會心正不在遠請自今  
以徃得一歲讀一過以密印吾胸中消長  
眉公又云見已見書如逢故人始悔向來  
草：著眼了不甚理會又寧獨茲刻為然  
辛酉改元菊月潘振藻生識於聽鶯山房